

岭
南
遗
书

卷之四
知不足齋
印

補

二

國

聖

文

忠

四

卷

補三國藝文志卷一

嶺南遺書

番禺 侯康 君謨撰

經之類十有一曰易二曰書三曰詩四曰禮五曰樂六
曰春秋七曰孝經八曰論語九曰羣經十曰小學十一曰
讖緯

易類

李謨古文易注

注本傳無注字據常璩梓潼士女志增後凡李謨諸書
倣此

王朗易傳

注齊王芳紀正始六年詔故司徒王朗所作易傳令學

者得以課試則當時甚重其書又北魏書闕駟傳稱駟
注王朗易傳學者藉以通經則其學并行于數百年後
矣

鍾繇易記

注見鍾會傳注引會母傳又世說卷一注引魏志曰繇
家貧好學爲周易老子訓今魏志無此文當是魏書或
魏畧之訛

王肅周易注十卷 周易音

注陸澄曰王肅易在鄭弼王弼之間 王應麟曰釋文
云王肅本作繫辭上傳迄于雜卦皆有傳字漢儒林傳
云孔子晚而好易讀之韋編三絕而爲之傳王肅本是

也 易義別錄曰肅著書務排鄭氏其託于賈馬以抑鄭而已故于易義馬鄭不同者則從馬馬與鄭同則并背馬故鄭言周禮則肅申馬禴爲殷春祭是也鄭言卦氣本于馬則肅附說卦而棄馬西南陰方東北陽方用馬注而改其春夏之文是也馬鄭取象必用說卦是以有互有爻辰則肅并棄說卦剝之以坤象牀以艮象人是也然其訓詁大義出于馬鄭者十七

董遇周易章句十二卷

字季直宏農華陰人魏大司農

注經義考曰董氏易注君子體仁作體信與京荀同哀多益寡哀作杼與鄭荀同洗心退藏于密洗作先與京荀虞張同夫坤隤然示人簡矣隤作妥與陸姚同餘如

拔茅茹以其彙征彙作夤賁如皤如皤作槃君子得輿
作德車婦喪其茀作笄當作髻爲乾卦作幹卦與諸家別
按此數條外尙有噬乾肺之作脯與子夏荀氏同爲其
嫌于陽也嫌作嗛與荀虞陸同至皤之爲盤則但音讀
如此非有異字乾卦之爲幹卦則本鄭康成皆不得謂
與諸家別也

何安周易私記二十卷 周易講說十三卷

注見冊府元龜今孔氏正義益卦引一條云風雷者取
其最長可久之義也李氏集解師卦引一條云師者軍
旅之名故周禮云二千五百人爲師也 管輅傳注引
輅別傳曰何尙書神明精微自言不解易九事 南齊

書張緒傳緒常云何平叔所不解易中七事諸卦中所
有時義是其一也 梁書儒林傳伏曼容云何晏疑易
中九事以吾觀之晏了不學也故知平叔有所短 王
應麟曰晏以老莊談易係小子觀朶頤所不解者豈止
七事哉

孫炎周易例

字叔然樂安人魏
祕書監徵不就

注宋史張洎傳引易例曰初九爲元士九二爲大夫九
三爲諸侯古經解鉤沈以爲出此書

管輅易傳一卷

注玉海引中興書目曰管輅易傳一卷訓解名義不盡
流于卜筮

劉邠易注

字令元魏平原太守

注見管輅傳注引輅別傳

王弼周易注六卷

易畧例一卷

大衍論三卷

周易

窮微一卷

易辨一卷

注直齋書錄解題周易窮微條下云王輔嗣凡爲論五

篇館閣書目有王弼易辨一卷其論彖論象亦類畧例

意卽此書也又言弼著此書已亡至晉得之王羲之承

詔錄藏于祕府世莫得見未知何所據而云按如陳氏

說則窮微與易辨似卽一書然陳氏亦但爲疑辭非實

據也故今仍分著錄通志藝文畧周易窮微下有論字

荀融難王弼大衍義

字伯雅潁川人參大將軍軍事

注融書見鍾會傳注引王弼傳融事見荀彧傳注引荀氏家傳稱與王弼鍾會論易老義傳于世卽此也

阮籍通易論一卷

注胡一桂曰阮嗣宗易通論一卷凡五篇按百三家阮步兵集載此論僅一篇幾三千言未知爲後人合并爲闕佚矣

嵇康周易言不盡意論一篇

鍾會周易盡神論一卷 周易無互體論三卷

荀彧周易注十卷

魏散騎常侍

注荀彧傳注引荀氏家傳曰彧字景文太子中庶子作易集解按此卽彧也而字誤作彧考荀彧子名彧字長

倩與景文同族不應又同名作輝者是又考釋文敘錄
引張璠集解序稱輝爲晉太子中庶子而隋志稱魏散
騎常侍者豈注易在仕魏時耶故今仍從隋志著錄

虞翻周易注十卷

注王應麟曰虞翻曰乾坤五貴三賤故定位艮兌同氣
相求故通氣震巽同聲相應故相薄坎戊離巳月三十
日一會于壬故不相射坤消從午至亥故順乾息從子
至巳故逆蓋用納甲卦氣之說按虞氏以納甲解易者
如坤豕蹇豕歸妹豕繫辭傳屢見之伯厚所舉特一隅
耳 惠棟曰虞氏逸象共三百三十一又說卦異同者

五

其文具載易漢學今不錄

又曰仲翔注易大畧本諸慈明升降

卦變 張惠言曰翻之言易以陰陽消息六爻發揮旁
通升降上下歸于乾元用九而天下治依物取類貫穿
比附始若瑣碎及其沈深解剝離根散葉暢茂條理遂
于大道後儒罕能通之

周易日月變例六卷

虞翻陸績撰

陸績周易注十五卷

注經義考曰陸氏易注已亡今鹽邑誌林載有一卷乃
係抄撮陸氏釋文李氏集解二書爲之所存者幾希矣
其經文異諸家者履帝位而不疚作疾明辨皙也皙作
逝納約自牖作誘喪羊于易作場婦子嘻嘻作喜喜君
子以懲忿窒欲作療欲

按當作睿欲見釋文

吾與爾靡之作縻之

三年克之憊也作備也按鹽邑誌林本闕謬頗多孫堂
張惠言皆有補正 易義別錄曰公紀注京氏易傳則
其易京氏也余嘗以爲京氏旣爲易章句又別爲易傳
飛候之書以謂易合萬象不可執一隅然則積算之法
殆不用之章句以易傳飛候求易者爲京氏者之末失
也今觀公紀所述凡納甲六親九族四氣刑德生尅未
嘗一言及之至言六爻發揮旁通卦爻之變有與孟氏
相出入者京氏自言其易卽孟氏學公紀儻得之耶

姚信周易注十二卷

字德祐一作元直
吳興人吳太常

注經義攷曰姚易注已亡見于釋文者盱豫作盱云日
始出引詩盱日始旦夷于左股作右槃君子以順德作

得折其右肱作股闕其无人作闕日月運行作違行言
語以爲階作機貞勝者也作貞稱爲弓輪作倫爲羸作
蠡按朱氏所引姚注未備孫堂張惠言俱別有輯本
易義別錄曰姚氏注言乾坤致用卦變旁通九六上下
與虞氏之注若應規矩元直豈仲翔之徒與抑孟氏之
傳在吳元直亦得有舊聞與

程秉周易摘

書類

李謨尙書注

尙書釋問四卷

王粲問田瓊韓益正

注困學紀聞二卷顏氏家訓云王粲集中難鄭平尙書

事今僅見于唐元行沖釋疑原注王粲曰世稱伊雒以東淮漢以北康成一人而已咸言先儒多闕鄭氏道備粲竊嘆怪因求所學得尙書注退思其意皆盡矣所疑猶未諭焉凡有二篇按王粲尙書問蓋本載粲集中不別爲書後田瓊韓益答其義因成釋問四卷隋志但稱王粲撰似未合此從唐志田瓊者康成弟子見鄭志韓益魏大長秋見隋志春秋類

王肅尙書傳十一卷 尙書駁議五卷

注書堯典正義曰晉世王肅注書似竊見孔傳故注亂其紀綱爲夏太康時 陸德明曰王肅解大與古文相類或肅私見孔傳而祕之乎江左中興梅賾奏上孔傳

古文尙書亡舜典一篇購不能得乃取王肅注堯典從
脊徽五典以下分爲舜典以續之按惠棟江聲皆疑僞
孔傳卽王肅撰

尙書義問三卷

鄭康成王肅
及晉孔晁撰

注唐志又有王肅孔安國問答二卷經義攷謂當卽隋
志義問是也蓋孔晁訛爲孔安國耳故今不別著錄

尙書義二卷

吳太尉范順
問劉毅答

注隋志本作范順問吳太尉劉毅答吳太尉三字當上
屬吳志孫皓傳有太尉范慎又見孫登傳注卽其人也

順慎古通

程秉尙書駁

詩類

杜瓊韓詩章句

李謨毛詩注

劉楨毛詩義問十卷

注經義攷曰藝文類聚引毛詩義問曰橫一木作門而上無屋謂之衡門初學記引毛詩義問云鉶羹有菜鹽豉其中菜爲其形象可食因以鉶爲名又云狐之類貉貓狸也貉子曰貉貉形狀與貉類異世人皆名貉貉子似狸又太平御覽引義問云棚所以覆矢也謂箭筒蓋也蠨蛸長脚蜘蛛也按朱氏所引之外尙有七月正義一條云鬱樹高五六尺其實大如李正赤食之甜北堂

書鈔一條云夫婦失禮則虹氣盛有赤色在上者陰乘陽氣也藝文類聚引一條云晨風今之鷦初學記一條云有鷽鳥雅鳥楚鳥也御覽引一條云蟋蟀食蠅而化成又水經洧水注引劉楨云鄆在豫州外方之北北鄰于號都滎之南左濟右洛居兩水之間食溱洧焉雖不著書名當是鄆風篇中語也

王肅毛詩注二十卷 毛詩義駁八卷 毛詩問難二卷
毛詩奏事一卷 毛詩音

注釋文序錄曰魏太常王肅述毛非鄭按肅雖述毛然亦有不得毛旨者如正義摘出召南采蘋邶風擊鼓諸條亦有改毛以濟其私者如經義雜記摘出以慰我心